

南江縣誌
(四)

南江縣志

南江县图书馆



DFWX00124

南江縣志第四編

藝文志

詩

三秦謠

漢王子韶

武功太白去天三百孤雲兩角去天一握山水險阻黃金子午蛇盤鳥權勢與天通

南江山行


王秦年

深山何寂寂四面盡嵯峨孤鳥衝烟去殘雲隔嶺過年荒游客少寺古老僧多
迴望歸時路斜陽挂碧蘿

歸蜀至連雲棧

岳貞

愁難出棧遊遊至却忘愁飛嶂雲中動鳴泉天上流谷通飛鳥出峽響嘯猿幽
行客不知倦裁詩過嶺頭



登烟峯樓

故國一登樓荒烟萬里秋昔時人盡去落日水空流北嶂金亭驛南封玉女洲
乾坤成草昧吾道付林邱

歸里作

少逢離亂去老戀故鄉還樹改山川舊城空井竈堙親朋來夢寐僕馬傍墳田
門未黃昏閉豺狼勝昔年

訪族兄丹亭過沙壩九嶺子遇雨

行盡山深處又經九嶺東古藤纏鳥道怪石壓雲松攀附無時已升沉不可窮
徘徊望谷口烟雨數家中

送門人蕭廷桂還南江

閩中黎源豫

望子還家早高堂有老親白雲瞻故宅春酒慶歸人顧此芸齋寂誰為助我頻
予懷惆悵淺行矣莫逡巡

題畫南江城山水

孫清士

暖入東郊路川原綠漸生沙痕留鴈影雨刀壯灘聲一水綠環市萬山青抱城
風光就本地助我筆縱橫

南江道中

寥落人蹤少艱難行徑微籐梢橫礙眼石角亂鈎衣地瘠牛俱瘦水沾魚不肥
空山驚響答樵唱隔林歸

龍池書院訪麗泉先生二首

嘆息書空上入山恐不深虛懷和氏璧久碎伯牙琴價重豈輕售調高希賞音
壯心知未已撫劍獨沈吟

相逢話別館惜未到君家子弟半佳士門牆多好花浮雲看富貴垂老愛桑麻
笑指幽棲處前峯隱斷霞

借石山房卽景

雙角露秋蠟半弓開小園林深知鳥樂日午聽蜂喧花氣香成悟山光淡養元
詩情與畫意相對了無言

攤書倚危檻不寐到殘更松月偶來照野禽時一聲露涼秋意迴山靜道心生
向曉推牕坐溪雲作帶橫

未了一身累難偷半日閒暫拋心上事來看雨中山水靜游魚出林昏倦鳥還
秋風漸蕭瑟黃葉滿柴關

萬竹深藏屋孤雲冷挂瓢客牀支木樹樵路帶山腰倚杖值流水尋詩過野橋
從今幽徑外來往不須招

七星山草堂雜詠 十二首錄三首

岳凌雲

一徑蜿蜒入絕幽結草堂松脂柴炬朗蕨粉草根香少婦拈彤管奚奴佩彩囊
故人雲外至甕啓十年藏

萬斛松濤湧能清肺腑塵陰岩饒豹脚怪石暈龍鱗賦賞千金草醫傳百代薪

高談防駭俗說向挽車人

咀嚼烟霞味雕鐫水石詩澗枯松鼠渴原燎竹鼯飢洞瓠藏花種敲瓷剗藥皮
魂清頻續夢腔裏裊心絲

以上五言律

山行卽景

孫清士

春山笑吐雲自遮山半壁我從雲際來撥雲出松樾空谷虛無人惟聞殘雨滴
別借石山房途中復得詩

朝見谿雲出暮見谿雲入我閒雲自忙雲行我尙宿臥讀閩仙詩燈影透深竹
我非山中人解識山中趣雲木含清暉泉石騁幽意歸態得所欣嘉賞非一致
興盡呼童奴整頓出山去山雨忽飛來依然留我住

途中看山

去年我入山天寒山猶睡今年我出山睡足山益媚分髻戴新花雙蛾掃晴翠

山不改舊青我顏何憔悴登頭陟山腰轉折緣山臂雲趁馬蹄高日推人影墜
崩崖勢欲壓已過心猶懼山雀避人飛亂觸林花碎

遊菖蒲澗

老撥九莖芝此生恐無福不如掘蒲根洗我看山目集州古城東佳種菖谿石
緣山而採摘山路何語曲石角鉤我衣藤梢礙我足緣木如猿升披莽如雌伏
艱難得奧區採擇值新綠草盛菖葉稀採之不盈掬薰猶此錯居臭味恐不睦
坐餘尋斷碑披拂字可讀落落古男子姓名嗟埋沒興盡緩言歸斜陽淡古木
何當新雨後重來看飛瀑

春日偕同人集梓潼宮

自我來官衙天地窮俯仰譬彼巨壑魚驅之入甕茲跼促不能堪忽作遊山想
笑著登山屐此生能幾兩高步出城圍揮手謝儀仗雨足麥苗青雪消春水滢
往叩德星門隔鄰約山長峨峨梓潼宮高踞松柏上危磴拾級登形動神先往

往叩...星門...
中途憇茅亭欲上氣須養努力躋厥巔林壑恣幽賞俯瞰江城低耳目豁清朝
淪茗坐石欄心曠神俱爽興盡各言歸緩行攜竹杖回瞻山雨來春鳩隔樹響

南江行

冰雪裂我膚荆棘塞我途我馬瘦不行我僕病且呼頭上雨如注脚下疑無路
車夫前却行路在泥塗處路窄低復高泥中石如刀石割血流踵叫苦聲嗷嘈
前者未插脚後者屐復脫一人幾兩屐一日幾摸索艱難荷行李泥中行復止
屈指三日程苦於千萬里轉側入山村村人各閉門老穉笑看客團坐親壺尊
憶昔林下居琴書得自娛飯熟呼不起俯仰常宴如一官何勞碌雨雪尙奔逐
鷄鳴辭店行月落投店宿沿路飽艱難未到心已酸預知終歲勤難買妻孥歡
何當了身事早作歸田計風雪得晏眠適我遂初志

龍池書院十二景

龍耳朝霞

天孫織綿衣不寐呼龍起手擘萬千絲光華散成綺橫絲纏龍腰直絲纏龍耳
龍不受絲牽倒曳半天紫

蓮池夜月

幽泉湧白蓮方池如玉井山月夜飛來照見白蓮影蓮影淡含秋枝枝花並頭
但看花含笑恐惹郎生愁郎上山頭早采蓮香盈抱下山贈所思顏色未枯槁
莫遣花笑人恩情斷中道但願人如花合歡不知老

圓山瑞鶴

仙者不知名騎鶴入山隱丹成仙已去雙鶴不知醒夢回亦學仙煉成丹在頂
山空秋月高
清響落人境

靈湫白龍

不雨亦生雲水木帶腥氣昏昏老龍盤鬱鬱不得志譬諸天下才因此百里地
水涸靈湫枯運蹇魚蝦戲爲霖志弗衰終與風雲際春雷夜有聲掉尾欲飛去

水洞靈湫枯運塞魚蝦戲爲霖志非衰終與風雲際春雷夜在壑持尾欲飛去

旗山晴雪

旗山青插天積雪白太古瘦影混龍蛇寒光射庭戶近聞雪嶺外海防嚴部伍
跋浪湧蛟鼉排山駕樓船安得壯士來奪爾空中舞剗雪書天王指揮靖狂虜

蓮石松雲

仙者化爲石倦枕春雲睡睡久腹生松柯葉聳寒翠松涼雲懶飛雲重松欲墜
好風東南來隔嶺聞鶴唳何時松下眠枕石與雲對

鼓樓曉鐘

山僧孤似月獨宿無人境廿載破樓中昏燈照孤影霜落千林清日入四山靜
獨打此時鐘響徹諸天迴隨風到客船催月下松嶺幻夢各驚回幾人發深省

松尖風濤

山人性愛松松頂結屋牢八月秋風高翻屋走波濤驚聽濤奔注不識濤來路
開門看山月濤落松深處風靜濤亦平餘音猶繞樹

魯洞風笙

長松冒山顛亂石抱山脚中有古洞深云是公輸鑿長風入奧竅呼吸類管籥
節奏協宮商縹渺度林壑山人幽夢醒側耳聆仙樂清響雲際迴餘音枕上落
彷彿王子喬吹笙此跨鶴

晚市人歸

人語最春深百貨咸充足春山半是花村人競往復老翁背負雞老婦手牽犢
兒女帶山花衣裳炫紅綠轟飲坐村鑪歡言會朋族各自營其私奔走恐勞碌
落日半啣山人影散谿谷扶歸多酒人醉唱山家曲

秋田雲擁

高田稼已收低田禾亦熟登高望平原野色慰心目力穡幸有秋黃雲堆過屋
鳥雀有歡聲婦姑無野哭憐彼終歲勤多收幾斗穀人生各有謀樂事在耕讀
欲令識艱難終須動手足何事膏粱子老不辨麥黍

欲令識艱難終須動手足何事膏梁子老不辨麥黍

螺山梵唱

香雲捧樓臺高出層巒上天風飄然來鸞崔墮清響鐘磬復冷冷入耳滌凡想
日出晨烟消山空秋月朗老木聚羣精聞聲定合掌

龍池書院雜詩

十二首
錄四首

何昌齡

書院清且閒情味殊不惡地雖近市塵寂寂如邱壑鳥雀來空庭蛛網挂簷角
砌篆綠苔痕階翻紅芍藥當軒坐看書心情俱淡泊身自困泥塗神偏遊廣莫
勿爲外人道吾自樂吾樂

數峯青不了環向如拱揖野鳥慣依人飛上案頭立同生天地間猜嫌素不習
拓窗任去來捲簾隨出入好鳥是良朋羣山兒孫集融融樂一家天然處和輯
排闥送遠青洗硯飲殘滴不招而自來揮之亦無及一笑付自然相對以終日
朝上平橋步暮上平橋遊平橋跨綠水湯湯萬古流青山環四面白塔立沙洲
路向柳陰曲鷗來水面浮日落山雲接好風涼似秋少間明月出清空玉鏡留

月高山愈小諸峯盡低頭搖扇龍池上荷香露氣幽
驪龍睡未醒珠光逼斗牛
山水看不厭風景一齊收熒熒燈火起書聲出畫樓

階前數株柏皆我手自植栽培同諸生灌溉無暇日待借後時陰遠分青山色
勿以弱小窺已具凌霜力亭亭立當途濃翠滿一室喜有棟梁材他日定華國
自傷吾老矣光陰去甚疾不及見爾成愴然徒太息

以上五言古

山家

孫清士

沈沈見村落遙遙生晚烟幾家茅舍影高出斷雲邊

山樓雨後

溼雲歸晚山窺客入深宇老僧推墮之又作一天雨

見蝶感懷

熊一飛

栩栩南園蝶優游自在過邇來情態減應爲落花多

栩栩南園蝶優游自在過邇來情態減應

以上五言絕

送道官蒲守靜回蜀

張珩

偶從元廟觀中來無相何時駕鶴回
案上經函封玉簡壇前松影守蒼苔
數回家信海雲路一曲簫聲奏鳳臺
天榜山開形最秀常看仙侶赴三台

前題

陳文瑞

羽客清標類子喬金門錫號早辭朝
一聲鶴笛橫三島五色鸞書下九霄
雲漢故人頻悵別函關令尹遠相邀
何當得意同歸去夜月吹笙醉碧桃

前題

向九霄

修真獨激悟真篇辟宰元關覲九天
萬里雲山開寵餞半空笙鶴賦言旋
臨歧拜賜金絲柳過華分披玉井蓮
我亦思歸歸未得黯然延佇夕陽烟

解組言懷

岳貞

出守江西歲未除那知清白是迂疎
官休父老留車馬道遠親朋阻雁魚
琴鶴

南江縣志 卷四 詩
輕閒兒女長夢魂安穩囊囊虛只今贏得身還健皓月光風到敝廬

省墓

歸來展墓几江濱惟見山川是故人幾個遺民棲洞嶺數家茅屋入烟薪春秋
有限蒸嘗缺天地皆兵禍亂頻子姪紛紛何所似南投西晉北依秦

登太白樓

太白修文不計年巍巍樓閣映江邊百篇賦共乾坤老千載名同星斗懸流水
難從問往事羣公獨喜拜前賢高山仰止情何限晚笛臨風直欲仙

袁澈

江亭

木蓮開遍一溪花小逕登樓萬竹斜江上青山浮落日座中綠鬢映流霞乾坤
到處貧爲客蹤跡年來醉是家忽忽天風吹暮色蘋香不斷白鷗沙

孫清士

南江中秋

家山闊別三千里愁病交攻十二年漸覺光陰催老景差憐兒女聚燈前佳辰

家山闊別三千里愁病交攻十二年漸覺光陰催老景差憐兒女聚燈前佳辰

且晉一杯酒歸計復謀數項田月亦知人有缺陷宵深不肯照團圓

南江除夕

燈昏且食殘年飯老眼仍看異縣春官苦難爲卒歲計山深還有送花人家無
薄產憐諸弟檄捧邊隅愧老親爆竹聽殘愁不寐盡輸歡笑與鄉鄰

長池途中寓日

龍首不見龍尾藏池水隨龍騰高岡松雨寒兼山翠滴林花笑墮春風香沙軟
陂塘睡鳧雁日落村巷歸牛羊險盡平來豁開朗炊烟遙接天蒼茫

贈陳獻堂廣文

荒江老屋心常羨難得支筇問字來微雨又添春水長小桃應傍短牆開先生
高出羲皇上有子亦稱屈宋才不是元龍呼不起羞將雙屐著塵埃

己亥春司鐸南江途間雜詠

葉鳳樓

兩番捧檄別慈親臨水登山亦夙因千里浪遊慚子職一官匏繫逐風塵爭奇

澗壑重重起競秀峯巒處處新入谷穿崖緣底事天涯難忘倚閭人

何爾泰

贈演禪寺普上人

天池高閣近佛光長教參禪坐上方雲磴透迤貝葉潤仙篁披拂寶花香千章
梵語圓通少半偈真空解脫長歸向禪宮尋入處蓮台却不在他廂

前韻

靜室高崇近佛光真人樂此悟禪方地連石筍仙蹤現身濯天池鶴羽香局外
原來知道少箇中自是得心長蓮台有信花將吐一派東風拂上廂

前題

禪宮靜宇天池寒高閣凌空四面開溪水兩邊南去合閒雲一段西分來近山

花鳥沐烟雨隔岸耕耘頌佛岩何思別尋方外勝眼前景物絕塵埃

岳凌雲

臥雲樓卽贈熊五丈雲陸

引商刻羽徵流音又見成連海上琴小友騷壇分壁壘高人雅迹占山林沈酣

引商刻羽徵流音又見成連海上琴小友騷壇分壁壘高人雅逸占山林酒

夢幻埋仙骨領略風花煉道心題贈臥雲樓一語福緣非淺慧根深

借石山房初成

并序八首
錄二首

熊一飛

臥雲樓畔有巖阿焉幽邃嶽崎人跡罕至壬申夏納涼至其間古柏蒼松
野賓嚶友若歡迎來者之不暇佳異者久之卽傍巖結廬以爲養粹之次
名曰借石山房口占數章工拙未計欲以拋磚引玉云

崖不虛生豈偶然安排此處臥彭錢談元祇問知音谷採藥還尋種壽泉杜宇
花迷三徑客爰居松茂四時天科頭靜聽蓉峯下萬竅風喧勝管絃
素心獨有此山知欲寫山容意轉遲看去儘憑新月旦行來迥異舊丰姿百年
緣結三生石萬古名留一卷詩寄語蓬瀛題柱客好將餘瀋灑峨眉

以上七言律

借石山房

江借清風山借月耳借成聲目借色雲林主人借石居不但借風兼借月月借

山頭籠煙樹風借水面飛香霧光風霽月借無窮時人那識借中趣行借山徑
草不除坐借石室讀異書桃源詩借陶隱士竹林酒借山大夫不借金谷宴老
斗願借玉局醉良友杖履起借雲鳥間是匪崖居借得否

孫清士

過借石山房贈雲陸主人

熊君丰采神仙列偶以塵念墮人劫逍遙林下八十春黑夜觀書眼如月插脚
不與凡人齊知君仍欲捫天倪旁枕壁立之危石下臨不測之深溪樓閣玲瓏
拳雲起雞犬相隨入雲裏松風掃地石堆牆不許纖塵到窗几我聞佳境心顏
開馬頭寒帶秋雨來借瞻書畫契林壑一洗積年之塵埃夜涼獨眠山館靜萬
木無聲月弄影溪山妙在語言外達者自能以心領羨君此福幾生修無限烟
雲供臥遊人生患不適志耳能適吾志復何求嗟我半生多勞碌縛以一官如
桎梏何時解組賦歸來我願偕君歌澗谷

題借石山房

岳凌雲

題借石山房

岳凌雲

吾蜀愛石推坡翁。袖中攜來東海東。滌墨鐫石爲洗罍。談禪疊石爲清供。風流
一去七百載。有人書券借洪濠。借得石芝截肪腴。借得石髓飲上池。史借石溜
烹佳茗。粉槍朱旗綠波漪。仕無顯晦借一官。氓無靈蠢借一廛。緇黃清業借寺
觀。漁樵幽趣借溪山。古今遞嬗如傳舍。世間何物非假借。靜觀惟有石交貞。相
對忘機足憑藉。石脚綠蘿翳古樹。石頂赤松邀天路。石中坐看人間世。花落隨
風墮。煙霧錦茵藩溷紛無數。石隱屹然借石住。下士大笑聲如蠅。汝曹那得知
其故。問君借石何時償。是否英雄借荆襄。月挂溪松萬古宅。臨流枕漱隨相羊。
一臥東山芳躅留。高情逸韻傳集州。呼石欲問此間樂。石不能言但點頭。

題南江校官彭井南秋林射獵圖時選廣東陽春縣卽以贈別

張問陶

連年羣盜蹂川北。豺虎如麻擒不得。南江鄉縣古難江。大小巴山尤逼賊。泮宮
先生非腐儒。推書夜起摹頭顱。手麾土兵出鬢序。毛錐一擲持軍符。霄弓腰箭

騎生馬指點旗矛氣瀟洒赴急聊分將帥權酬功敢望丹青寫是時賊勢猶初
閔果有神機謀必中至今遺恨方山坪連營坐守甘心縱書生有才合無命重
圍不死非天定一隼摩雲衆鳥驚沙場終仗人謀勝解甲歸來首霜寒經師論
俸偶遷官珠江南下銅章好重撫良民定不難征袍舊染血模糊九天清問會
傳呼逢人那更談軍旅聊寫秋林射獵圖嗟予落拓依京輦伏枕思鄉愁不展
惡氣旋胸裂有聲夢中蛇鳥憑空演嘉陵涪江西復西春來處處增危機家山
破碎親朋少忍送雙鳧海上飛

以上七言古

光緒丁丑大饑鄉中有婦作泥餅誑兒而閉戶自經者因哀之

何昌齡

字履齋

小兒呱呱牽娘衣娘哭無米兒啼飢團泥作餅煨活火爺出乞米待爺歸爺歸
不見娘但見兒守扉問娘何處所煨餅入房帷掘餅爲兒餉泥則猶是餅則非

不見娘但見兒守扉問娘何處戶灶餽入房轉拉餅爲兒餽沙即獲見金則夫

推門呼娘娘不應自縊床頭魂已飛吁嗟乎一錢不足貴勺米不能肥誰作漂
母留一飯頓教母子長相依

以上樂府

勸農

王經芳

青疇麥浪壓東風猶見耕犁夕照紅。近日庭閑無箇事漫攜壺酒餉村農。

課士

紛披桃李繞東牆乍見成蹊八月芳。不信比來都缺美賢書早已姓名香。

癸亥補行鄉試

有中式岳爾翼

修序

宮牆萬仞總莓苔獨揭家囊構講臺。廟貌靈光堪彷彿巴江春水水泮池來。

招徠

中澤哀鴻次第回祁寒暑雨見心裁。可知三代多遺直聞道遐陬盡子來。

以上七言絕

賦

聽秋雨賦

岳森

維祝融之解轡起葍收以建麾扇金風於素節湧丹霞於陰期鬱曾雲之黶黶
散密雨而淒其方流澄於叢薄旋瀉響於庭枝雷綿綿而不絕漏沈沈以俱遲
有悲秋之獨客羌坐聽而增悽爾其蚊雷未歇蟬聲不去商籟鏗林驚葉萃地
日落砧敲露零鶴唳蛩胡爲兮悲吟雁何情兮哀厲已覺對此含歎聞之殞涕
觸萬感之俱生萃一心而莫制矧迺霏霏下降瀝淅長傾荷喧碎鼓苔漬霑楹
日琤琤以達暮夜撼撼以極明寒乍驚而已厲寐暫假而弗成隱佳人之瓊佩
亂畫閣之金箏洋洋盈耳脈脈含情故當伯仲聯床友朋翦燭寮疏軒靜茗香
酒綠共懷懷秋縱談衷曲蕭騷一聞幽歡益足冷喜催楓響宜聽竹願階玉兮
常敲恐檐繩之不續此境無多此情非俗若夫淑子幽居商人遠賈塞上衣單

常敲恐檐繩之不續此境無多此情非俗若夫淑子幽居商人

嶺南形踣韶華易徂秋懷欲吐長恨別離那堪風雨聽到淋漓頻增消沮魂
熒其在疚心搖搖而無主莫不牽空帷而沾巾怨天漏之難補是以陟高閣掩
重幃停機弄輟琴揮嘆時晚惜春歸訝電隙之光帳覺風簾之扣扉心撩亂而
欲碎暄滂沱而不晞何秋長兮雨久凭曲檻而依依還沈吟於枕畔夢白日之
餘暉

秋日田園賦 并序

森隸籍下邑世居草莽性厭市塵山莊自怡巴渠利園之間有先人之敝
廬存焉清溪洞壑環繞田宅墟烟淡定滄風沕穆泌水石門足永棲託弱
冠以來負笈在外暫則彌歲久且累年旅館爲家鄉閭遂隔每當省幃展
墓回車息轍重觀園林如逢舊識風泉訴別榆柳搖情容與徘徊倦不忍
去非直甘心田舍不辭仲蔚之譏實亦繫懷松菊妄有陶潛之癖也蜉蝣
驅人風幡動我明知物役莫能緣督謬託四方之志漸游萬里之遠綠楊

明月夙願長違白石清泉舊盟益替茲逢秋節彌憶家山延頸西望層陰
黯霽奮飛無因悵觸曷已于是彷彿其景約略其形杼北地之羈思寫西
川之野色作秋日田園賦一篇揄揚彼美尙遣此情亦以塵海靡涯名疆
無底弗自振拔終焉疲逐請謝權轂之音未圖猷畝之樂也夫影箭匪留
虛車安至凡待於外者難期斯操乎我者宜決彼正叔遂初徒能有賦季
倫思歸空聞作引自致悠忽貽譏明達願以此賦弁諸行帙常得警日庶
不忘懷云爾

維宕渠之古郡有峻嶒之一阪山騎枕乎鶉首水溶漾於巴流氣益益而磅礴
形嶮介而深幽闢豁以成谷析暑澍以通溝環峭嶭之列巘紆莽蒼之先疇
藹異芩于叢薄咽危瀨于石留澄煙霏於苔徑琤涓涓之崖湫知拓迹在巢由
以上而發蒙於懷葛之秋也至乃拂霧興基披榛築室支竹引泉滋蘭取苾鄰
結惠莊風希衡泌愔溢縹緗庖充脩粟詠北窗以忘憂戒西疇之無逸擢寶穎

結惠莊風希衡泌愔溢縹緗庖充脩栗詠北窗以忘憂戒西疇之無逸擢寶穎

於桑麻抽瓊柯於柚橘擗蕙櫨兮芳塘愛水木之明瑟澡苹澗之清漣酌松泉
之斜日留芳春而不去逢清秋而益妍闊天容之晃朗霽地氣之澄鮮紛三農
之就圃馨萬寶之在田轆轤馳驟蓑笠駢圓函管嘈切賽鼓轟傳飪稻梁以薦
敦羞葵蒲而加籩人遊華胥之國家敞慶洽之筵此雍熙之盛象憶樂凱于年
年至時物之轍秀尤效靈於山川其遠則有丹巖舞鶴青嶂嘯猿白雲橫徑黃
葉封村鴻翔比翼隼厲高騫暈浮嵐之有迹薄淡靄而無痕現重潭之倒影露
危岑以孤根澹平蕪兮隱約激飛瀑兮潺湲螢流嚴公之墓鳥歸鮮于之園其
近則有榴房迸赤蘋渚瀉銀芳叢綻菊沃土豐蕤桂英灼灼松子甡甡林迎風
而鏗籟草泣露以含津聽寒蟬之咽樹喜鳥雀之依人轉飛蓬以作蓋萃膩葉
而成茵極原野之清曠美珍物之麟輔綜遠邇以遐覽信幽雅之靡他山峭嵒
以鑿爽溪滌澗而孕和淨峯頭之濃黛藹壁上之煙蘿蕃琦產於沃衍饒石隱
之歡歌濠濮之地盤澗之阿長楸古柏綠篠清波可以窺三倉二酉可以究玉

律金科俛仰自得富貴云何臨川空羨勝境無多豈宜狂周才與偏智徒令夫
歲月之蹉跎乎而乃鑒由塵昏身以世縛辭我邱樊入彼牢落誤玄豹爲蝸牛
似笑鵬之燕鵲習苦忘非欲止還作悠悠世路渺渺泉壑聽田園之久蕪任秋
花之屢灼棄果腹之嘉穎失駐顏之靈藥求粒珠於四瀛冀康瓠之一鑿驚齡
影之有涯感浮塵之靡塲每廷廷若有忘常忽忽其不樂况時值夫陰期尤縈
紆乎客思眇帝圻之豐盈想故關之樂事養滿園之幽姿騰百室之佳瑞宣隴
畔之嬉譁持甕頭而盡醉何余情之緯繡獨絲擘乎異地羌慙兢乎素心脫遙
天而愕眙誓脫徒夫勞纓遄迴馭其飛轡長戢羽而守雌甘巾柴而衣芟假藜
藿之蕭間理丹鉛之舊記投自錮之轄轄循好修之所至豈肥遯以離羣亦善
刀而藏器雖旦莫之未能諒尅期之可遂託息壤於斯文庶迷途其有暨

南江縣志第四編

藝文志

雜文

几江集序

楊 枳

昔人云詩有別趣言理則腐又云詩有別才非關於學斯二說者余竊以爲不然蓋趣不入理則爲詖辭才而無學終屬巷語孔子刪詩三百凡征夫游女草蟲狐兔之類皆可取以入詩趣矣至夙夜基命宥密之章瓜瓞厥初生民之什說理之妙無逾於詩者杜子美長篇累牘下筆千言使人誦之慷慨激烈欷歔欲絕才矣然敍一代之事追千古之人凡興衰治忽食貨兵農皆考據典確鑄史鎔經非學而能之乎則是趣與理才與學不可偏廢取之精微極其閎肆而眞詩出矣吾同里石翁先生以家學淵源早掇巍科入典秩宗出守大郡敷歷中外二十餘載閱世旣深胸藏益富讀書論世之外出其緒餘凡所遇山川草

木風雨晦明往哲前豪友朋贈答憂患烽烟無不托之於詩故其詞時而俊逸
閒遠時而渾雄蒼莽時而以獨造爲宗時而以奇拔見長諸體俱備衆妙咸臻
是能趣以理生才以學貫三百少陵之旨在是矣嗟乎詩至今日而弊已極五
尺童子纔拈聲律便欲自作名家按之格調無異目盲昔元次山痛風雅淪亡
謂世之作者徒沿襲形似祇可以施閨房不可以見士君子故作爲篋中集以
反正之若乃性真情摯調古格高則振衰起弊不得不推吾石翁先生爲近今
獨步也茲將彙而付梓故爲數言以告夫世之讀是詩者

又序

眼榜
徐秉義

士君子心存千百世以後不必奇勛偉績震天壤也數事生人功足紀矣不必
崇論閎議矜作家也數語合道言足傳矣然則德能生人言足證道文章事業
交重於時烺烺奕奕不可磨滅豈非士君子之所厚期而不可必得者哉我夫
子石齋岳公几江望族世有顯人天資聰穎舞象時卽能詩賦爲學使閩南陳

子石齋岳公几江望族世有顯人天資聰穎舞象時卽能詩賦爲學使閩南陳

平人先生所器重廣陵陳曼仙先生亦以國士期之更攜涪陽文集示人至公
家世孝友德行文學表重鄉里蜀人士皆能言之未幾舉孝廉宰東海勤幹精
明不畏強禦戢橫孽之狂噬制逃毒之妄螫數邑之燄聞風而息青之人安於
枕而獲免死徙之禍者督撫上其賢良入春官參酌禮樂修舉典儀秩宗之政
燦然滿漢宗伯推其能丙午分經得士張君玉裁等嗣厯計曹曉暢庶務吏胥
無敢作奸周知天下錢穀之數分核出納會計佐修賦役全書均非一世之績
己酉秋典試京闈凡南北好學深思之士並無淪落之傷明年捷南宮者滿漢
幾十八人論者咸謂從來得人未有如是科之盛焉時以甌越枕海至尊南顧
遂出刺天台海氛蹂躪百姓倉卒徙亡道尸枕藉公率各屬拯救不遺餘力起
死而生活之者不知幾萬人也旣而賊蹤斂跡吏畏民懷每以二日一視郡事
五日一集賓僚諸生賦詩課文臺州文藝蔚然復興而政務亦鉅細畢舉初陳
防海十策大吏不用因病歸再越歲而有南征之師衆咸服其先識迨起邵武

一以治臺之道治之戎馬之場瘡痍頓起弊絕風清奸宄屏息暇則與士大夫論文講德竟日不倦而直方之概終違於俗未期年解組退居白門無與外事課子讀書手不釋卷所著有几江集問世秉義受業二十餘年嘗書一聯於廳事云藿鹽清夢穩鐵石古心存亦以公之爲人忠厚端慎德量淵深居家澹約僕從寥寥絕矜節上人之情所謂金玉君子有令德矣間嘗求其詩稿舍祝釐應酬兵燹遺失得新舊數百章皆法律精嚴氣識格調雄壯高渾化餽飭雕繪之習爲追琢雅練之章溫柔敦厚流溢機杼蓋公當蜀江變亂流離阨塞浩歌慷慨之懷沉鬱奮發之氣厯落風塵坎壈之間憂思彌切歌呼益壯而諷詠愈工如讀少陵入蜀以後諸作東坡海外歸來諸篇雖備厯艱難而生人之德大雅之辭並堪傳焉雖未盡其用而天將報之以名士君子之所厚期而不可必得者其在斯乎惟是聖天子嘉尙文治風雅作人睿藻天章照耀宇宙士大夫方從事詩學而公將攜稿歸蜀藏之名山義慮無以公同好也亟取而付之梓

方從事詩學而公將攜稿歸蜀藏之名山義慮無以公同如也亟取而存之

岳氏家譜序

遼甯 李仙根

譜之作也大抵先世有不可泯之勳名而其後奕裔繁滋枝葉昌密有不可掩之徵應於以珥筆編表俾觀知德業之所由起而子若孫亦或聞聲思慕揚輝嗣音於無窮蓋自古策名樹績捐軀赴義而爭光日月者代不乏人獨至聞章武之關公建炎之岳侯莫不毛髮惕慄斂眉翕足若奇偉之資浩博之氣凜凜逼立於前也乃關公嬌裔竟與炎燼同灰豈其火土代史家國併命有不可解者耶至岳侯所處則天命未改庭窳內噬雖一時有巢卵之禍而幽冥共枚肆之思以故毫毛斧柯日滋月茂金莖紫枝摩肩接踵眞令人尋源溯流景徽慕響然後知忠孝節烈者獲報不訾彼奸威詐力之偶中於目前而適足以載揚奕光也吾蜀自值獻逆之變城郭人民一旦盡非猿鶴蟲沙之感比比而是若著姓望族匿避愈艱每舉一邑某氏存者幾某氏存而善且慶者幾指未數屈也而南江之岳氏則猶以昌大聞及覽其家牒乃知武穆之苗裔以防危遠禍

避地易姓更歷年所而後承先志復本支蓋其間憂虞惕勵勤勞慈厚子孫世守以為家風至朝議公積學累行耄期不倦助以馬太恭人內政陰鷲已足億禩於以上招天和而下豐宗祧又非一日况其為忠孝節烈之遺而勳必不可泯者哉固宜其振振蔚起若汲水於溟渤而引饑於炎洲雖百六不足以窮而坎墮摧抑屢屈而彌康今上命守天臺公之行也索序於余余因是思章武建炎迄今千數百年而二公威名卒於山岳雖赤帝香孩亦用不朽寧獨為私門紀乘光哉而岳氏之後之昌大也尤足以為賢臣者勸而不肖者戒蓋亦子孫兢業景行行止之克迓天庥也多矣因書以志嚮往焉

岳氏家譜序

元狀 徐文元

家之有譜猶國之有史史之作昉於尚書而譜之興源於世本史以誌一代之興廢譜以志一姓之盛衰其義同也然考古者左史右史之職善惡畢記以備勸戒而譜系之書則惟揚其徽烈紀其蕃衍追華胄而表高門以示後人無忘

勸戒而譜系之書則惟揚其徽烈紀其蕃衍追華胄而表高門以示後人無忘

盛德之所自可矣乃昔人謂譜者一家之史而春秋才不才竝舉其族則淑慝之辨未嘗不斤斤焉屈子之爲楚辭也而本高陽之苗子長之爲史記也而序重黎之後是則譜之爲義於史乘詩歌無不可相爲一貫者余嘗持此以衡近世而深慨夫譜學之廢絕也岳氏自宋武穆以前世系弗詳武穆死檜方用事其後人易樂姓以免家於麻城其遷蜀則自理宗朝樂公之震令難江始其復姓則自樂公孫文壽始也自是岳氏之族繁於郡邑登仕版者蟬聯不絕數傳至朝議公以孝友學問稱於其里蜀之人已知岳氏之必大矣及石齋先生而果驗官於京師今直爲天子二千石豈非忠孝之澤久而益光者歟古人有避仇而易姓卒不以改者有遷別而忘其所出者霍氏之世衰籍談之無後傳記書之以見譏乃岳氏遷蜀後屢經寇難至逆獻之禍蜀之高門大家幾無子遺而岳氏蹙然獨存又能出其譜於荒巖斷莽中而修正之夫遠而不湮者先人之德也久而能傳者子孫之孝也石齋先生以宏敏之才內筦錢穀外牧黎

江縣志 卷四

元乃本庭訓而述祖德懷懷焉惟先人之遺言是愆蓋將昌大其門以光武穆之緒而是譜特為之兆爾故余樂為之序

胡氏凌雲閣序

岳 森

南江西郭舊有凌雲橋載在縣志由來久矣城南胡君星南元臣昆仲葺廬橋側見有隙地古樹一株挺生其中四時蓂茂足資游眺因謀就地建閣仍以凌雲名之落成之日乞余為序竊思卽屋起閣因橋命名據事直書數言可了而來函諄屬將假閣名之義為之說詞內以啓發子弟外以觀感遊人僅從直序奚副雅懷爰陳三說質之羣賢焉蟬蛻草茅鴻軒臺閣功冠朝列德被含靈景鐘勒助旂常載績既標凌煙之名並繪雲臺之像此一說也志在林泉性甘疏屨鉛槧自娛斗山共仰操人倫之鑒亢迹介休蔚詩禮之宗希風高密此一說也不借崇於軒冕不假翼於山林別其高超無關顯晦陶宏景山中宰相杜元凱達宦經師紫陽於通籍之後奮起儒修馬遷乃刑餘之人巍然史祖是其凌

凱達宦經師紫陽於通籍之後奮起儒修馬遷乃刑餘之人巍然史祖是其凌

雲之概迥超窮達以外此又一說也如是三說無愧閣名有志之士擇一以處若夫榱桷雄撐棟桴偃蹇陡絕千仞俛臨四望登其上者如凌雲表則凡屬高閣莫不皆然矣若夫倖廁巍科濫登黃甲學行鮮託浮沈卒歲無當狀元之稱徒伴中書之食淺俗之士望若凌雲此又似是而非矣凡此之類蓋不必說與不足說者於顧名思義之道既無所深取卽亦非胡君昆仲建閣命名之本意也夫

秋窗摘錄詩序

岳凌雲

秋窗摘錄非全稿也亦非選本也幼耽佳句長惹浮名明經不第遁而之醫不以詩鳴久矣年來寄寓巴州同人素觀者衆而行篋無稿往往自負鍾期而憾其操閔流水憶自習素問靈樞難經甲乙等書欲求貫通而不得竊思天人性命之旨聖學之極功聖門所罕言泥方書以求爲名醫是猶吾輩規撫時藝而欲以文章名家也溝澮無源徒自取困耳於是訪名山接古笈深探理學博證

丹經閱參內典泛濫周秦諸子返而求之易象漸摩既久頓悟頻開因窮治病之精遂收治學之益一任境遇遭迍固未嘗戚戚於懷也邇際粒食烹珠鴻噉遍野司收焦勞於上士夫勤襄於下開賑發廩勸施平糶而一滴楊枝之露不能徹潤災黎流亡緼負恒僂載塗菜色鳩形蕭條滿目愚雖方技同塵無復和光曼衍之趣兼以秋宵漏永蟲聲唧唧風聲颼颼寢不成寐爰檢散帙零篇復憶積年剩稿挑燈錄之藉爲排悶之具並應嗜菹之求佳者不能盡記記者不能盡佳倘遇大雅扶輪不吝郢斤庶幾失之東隅補之桑榆千載而下方技傳中附存數句或當爲橋井杏林間添一韻事也夫

敦安橋碑序

溪水交匯之處波微斜屢砌而屢圯是以無成功巴山多雨野漲四發澎湃其浪滑澁其泥經斯地者跋涉蓋兩病焉同鄉王許諸公相度地勢募資鳩工開一徑於山坳棄朽壤而敦安土也徑闢而馳驅甚便造一橋於水滸舍洪濤而

一徑於山坳棄朽壤而敦安土也徑闢而馳驅甚便造一橋於水滸舍洪濤而
就細流也橋成而厲揭無須穆詒子覽而嘉之曰尋常溪徑豁新耳目功勒貞
珉利兼水陸原夫意境宏開心梁巧渡琴改絃而叶聲山移路而翔步苟得其
意而通之豈惟平治乎道路哉

七星山人詩存序

邱晉成

吾友岳君林宗擢穎石室蜚英成均經學詞章弁冕西秀玉價珠聲震溢輦下
其詩則囊括漢魏出入初盛咎忝同舍尤所心折勞燕東西倏逾十稔頃至會
垣萍跡復合乃出示其尊人小山先生詩一冊翠緘初啓奇光眩眸回環諷誦
方知衡壘之高屨脈岷閩河流之廣衍派星宿家學所自猶足徵焉林宗甫邁
家難旋悲陟岵歸檢楹書將付手民屬作弁語誼不可卻爰舉其異於時流者
揚推而陳之夫近代作者操管鸚視門戶旣區轉滋流弊何則嗜古之士高語
格律上則規撫劉曹攘竊顏謝次亦摭擷鈞隱勦襲坡谷字摸句擬不失尺寸
虎文羊質每遭抨彈原其首基亦皆不爾先生則擷彼精萃弃其糟魄伯玉感

遇何減嗣宗柳州南圃卽是康樂類能遺貌取神自出機杼其異一也若乃郊
島之儔扁於寒瘦全賀所製離絕蹊徑沿篠驂虬戶之例逞鼉擲鯨喙之誕或
涉龐豪或隣怪僻揆之詩法豈云正軌先生則胡柢性情摘振金玉和平之響
不絕於聽競病之韻不列於篇譬之珠柱旣調昔流弦外之音卷畫在目自得
天然之趣其異二也顧使迹相化矣詭澀祛矣又或過於率易遂成剽滑拾香
山之餘唾不免輕俗援滄浪之英談乃蹈空疏故實羌無師心自用執性靈爲
契券違風雅之潭奧先生則胸有積軸筆無停染鏤采切而不浮結調凝而不
滯固知有怒貓抉石之力始有天馬行空之勢有長鯨跋浪之概始有羚羊挂
角之妙獼祭非工枵腹無取其異三也更有說者草木蟲魚之類古人段以比
興躡實則駭風雲月露之詞末學詡其華瞻志士不爲故凡流連光景彫刻動
植徒費楮墨何關襟抱先生則誼敦車笠神怡隨暮雲春樹少陵懷人之什
芳香明鏡秦嘉贈婦之章靡不興往情來纏綿深摯至於弔古荒甸聯韻紺宇

哦秋幕府舒嘯名嘯逸思颺馳僊才泉涌罔非有爲而作詎藉漫與名篇其異
四也揭茲四異實兼衆美蓋駸駸乎躡沅花之後塵追玉局之前範晉放學淺
躡涔材等樗散欽良友之善述景前哲之風流敢據管見質諸庭玉言之無文
亦不暇計爾

興文縣學博姜鎮東先生壽序

興文進士朱 倅

古者家有塾黨有庠術有序國有學皆立之師凡以裁成後學造就人才也漢
自文翁立石室於成都蜀俗爭輝齊魯武帝取其法頒行天下歷代踵行法制
日備而終不獲實效何哉蓋難乎其人也宋仁宗時國子先生必求天下賢士
眞可爲人師者如胡翼之之徒使端教化故當時天下不遠萬里來就師之其
遊太學稱弟子心悅而誠服蓋猶有古法之遺意焉噫翼之誠賢數百年遂無
賢愈翼之者乎不惟賢愈翼之而已豈無扶世立教有補於文翁之化者乎古
今人將毋同何遽謂其不相及也興邑在唐爲晏州至明築城建武易縣名興

文我朝併建於興士風蒸蒸日上奮興科目者不讓隣邑而醞釀深醇似猶有待余以薄宦久遊楚湘歸來聞邑中人士嘖嘖稱學博鎮東先生之賢不衰一時人文氣象視昔有加焉是操何道以至此蓋惟先生以忠厚處己以盛德感人以廉靜爲律度以不倦課生徒徃其行誼其殆近日之翼之歟今春二月恭逢聖天子臨雍講學行釋奠之禮修憲乞之儀而先生適以其時壽登古稀邑侯成明府率邑人士製錦稱祝詔序於余余竊聞先生巴西之南江人停雲巖十二峯下實嶽降之地性耽書史少失怙恃寡兄弟迎其族兄以居事必關白迄今數十年猶視其族兄子如己子時不率教則閉戶自咎癸卯領鄉薦友教於家遊公門者登賢書選成均無不干霄直上且化雨和風自然及物薰其德而善良者幾千人歲丙辰邪匪猖獗所歷焚燬獨留先生之室且諭後來者勿毀古之人有敦行而賊相誠不入其里者先生何多讓焉泊振鐸吾邑十有二年屢主講席盡誠教人不名一錢以身作範生平行修種種類此是以嗣

年屢主講席盡誠教人不名一錢以身作範生平行修種種類此是以嗣

君善讀父書食餼膠庠頻邀剡薦行擢魏科文孫風度端凝能文力學卓立不羣望而知爲廟堂重器蓋先生之德積厚流光衍慶緒於無涯也夫師道立則善人多植行深斯食報遠命由我立福自我來精神眞固理數無權先生已身無遺行澤遍同人自必躋耄耋登期頤又奚事泉名種壽論著養生而後能與錢鏗雍伯齊肩比算哉聖天子壽考作人造福吾邑傳經授業至老彌新是又昭代之伏生非特比隆文翁翼之已也諸君持此爲祝先生其嘖然而進一觴

傅翰卿六旬晉一壽序

雙流舉人 劉咸榮

齋居自得讀唐虞三代之書市隱何嫌寄周孔千秋之夢春風杖履咸稱爲鄉先生朗月襟懷是之謂古君子如翰卿先生者洵無愧焉先生傅姓名文林世居南江幼承先德生有異資耆古惟精讀史能斷邊孝先之笥腹貯偏多董仲舒之園日窺不及惟其含華而佩實斯能騰茂而蜚英永川陳孝廉秉鐸南江見而重之孝廉者文章之巨擘理學之名家也先生爲之樞東海之衣執北面

之禮究天人於兩字共風雨者十年爲純孝完人娛萱堂之愛日補博士弟子揚藝苑之春葩學案宋元破除先賢之門戶儒風鄒魯匯通大道之淵源蓋其氣宇之恢宏心思之靜穆有如此者夫昆山之玉原待價而沽也照乘之珠原逢時而貴也以先生居常講學何難出而匡時而乃醜郁詩書淡泊心志夷然高節非泄柳烏能閉門卓爾清操惟澹臺乃不由徑以是綰符賢宰罔不駐車德門楊伯起講學西陲風規自肅郭有道人倫東國月旦非誣其矜式閭閻扶掖桑梓者尤多也又其大者聰聽彝訓永言孝思以愛兄爲心爲大宗立祀讀蘇老泉家譜由然孝弟文章慕范文正義田允矣倫常經濟推之比鄰接舍有急咸周二黨六姻無圍不解其以名士之風流抒仁人之懷抱者蓋指不勝屈焉丁丑歲大旱先生出粟百石分食四鄰並能發越慈心贊襄糶政誦豳風之什渺矣無聞陳鄭俠之圖泣然而泣用是分甲乙之戶朗若列眉聞庚癸之呼急心援手此所謂義漿仁粟都從書味分來鳴雁哀鴻咸望仁風而起者也若

急心援手此所謂義漿仁粟都從書味分來鳴雁哀鴻咸望仁風而起者也若

夫世路恆多荆棘人海常患風波嵇中散之疎狂君子不取婁師德之和易史册維昭此得失之攸分洵屬古今之明監先生則履道坦坦宅心平平任天而行與物無忤少陵飲田父酒共樂嘉賓老嫗解白公詩咸稱長者夫豈李剛峯張乖崖之可同日語哉今日者先生皤然老矣猶復好學不倦與古維新祀康成之經神泛何休之學海吟毫抽月小詩通古今之情文藻摘春大筆闡乾坤之妙青山紅樹一任閒雲白髮蒼顏誰羈野鶴雖濟川必需舟楫和羹是賴鹽梅固君家之故事而非先生之素心也值茲歲逾週甲攬揆令辰祝耆年者鼓舞而前頌多福者少長咸集梅開四照飛香於益壽盃中松號八公挺幹於老人星下自十五志學耳順而能徹淵微以八千爲春眉龐而自含精采看此日金聲傳播徵素履而陳心相之篇卜他年玉斗迴旋晉期頤而注長生之錄

李母彭太孺人七十壽序

代額九
皋等作

岳光虞

文山秋老南榮增寶婺之光字水澤長西望駐瑤池之景算佳節重九天萸囊

競佩喜名門十八子萊綵先陳時則江楓欲變籬菊初開陟龍沙而望豫章集
鳳嶺而思荆楚前此霓裳按曲採下里以成聲今朝露冕流輝齊上堂而介壽
雖風雨滿城潘大臨因催租攔筆而門牆設悅房暉遠且負笈稱觴抱此心傳
敢忘頂祝辰維師母大人隴西舊族蜀北名媛性協安貞心存淑惠迨吉則詩
賡灼灼女誠女箴于歸則年始盈盈婦言婦德箕疇福備翟菲榮昭當夫椿萱
并茂松柏長春留晚景於桑榆傾斜陽於葵藿師母則眷戀庭闈周旋几杖蒸
梨躬奉能承大父之歡撲棗親勞先諳小姑之性允矣孝思維則洵哉壺範堪
欽而其相吾師也齊眉來一德之稱結髮訂百年之約慰樂羊之遊學雞勿爲
餐相伯鸞以成名鴻真有案以故蓮塘太夫子學深養遂外肆中閱弱歲冠軍
早擷泮芹之秀壯齡食餼旋分貢樹之香昔年伴讀青燈賢稱內助此日論文
白社世仰先型由是依杏爲壇種槐成市負書者濟濟齊操鉛槧而來執贄者
彬彬輒有青藍之喻師母乃寬以濟猛愛克厥威佐盤飧則飲之食之咬菜根

彬彬輒有青藍之喻師母乃寬以濟猛愛克厥威佐盤飧則飲之食之咬菜根

而有味助膏火則斧彼鋸彼毀薪木其何傷時從絳帳傳經言箴自肅每向玄
亭問字指示維殷樂育英才誕生哲嗣主器者莫若長子明德後更有達人慕
歐陽晝菽之風門排三戟承孟氏斷機之教譽擅雙丁軾轍齊名郊祁並第歡
騰梓舍盛紀竹林此固杏苑之先聲亦卽萱闈之美報也而師母尤克勤克儉
課讀課耕酒鎬茶銚悉費經營稻隴瓜畦咸資籌畫既仁慈於臧獲怒無愬往
之逢亦周恤於鄰朋好有知來之贈我之懷矣德莫大焉生等熟承師訓兼佩
母儀鱣堂趨步慈暉之庇蔭良多鹿洞追隨淑誨之提撕猶在時逢初度壽屆
古稀附青禽而列仙島隨黃雀而對講筵敢藉丹毫奉揚彤管庶幾文傳懿範
將同百歲之歌寫出芳徽足當千秋之祝

頂山橋序

南江至五郎汎之道有大溝塹焉溝深闊數武怪石嶙峋過者憾難飛渡紆折
其途使咫尺之地百步而遙首事等病之謂非叱石成橋不可爰集股鳩工併

力踴躍不崇朝而險者夷迂者捷矣費寡濟衆仁人盍興乎來

楊輯五先生墓誌銘

吳錫麒

嘉慶十一年九月初八日蘇州府督糧水利同知楊君以疾卒於官勤民事也子廷賢南江選拔貢生嘗從余遊以狀來乞銘君既中銘法余安容辭按狀君韓璽字輯五號瑞圖晚號瑞亭四川廣元縣人家世業農贈君彥彬生三子君其季也少聰異出語能驚其長老贈君奇之始令就學年十八補校官弟子家貧甚寄讀僧舍夜則然桐子代燈學益不倦庚辰舉於鄉壬辰大挑二等以教職用選納溪教諭丁未陞潼川教授君雖儒官凡有關民生利害者輒白當事獎成之人稱其德癸丑授江南安東縣知縣安東地小而民瘠富河下游爲淮揚要害丙午值大水城池廬舍悉受淹沒君相度形勢力請於上游開通民便河以資宣洩畚鍤萬計咸自治辦故功成而力匱不恤也及署泰州彌自涿厲凡剔弊除苛興廢舉墜者不可勝計當調甘泉父老擁道遮留至不得已上官

聞之遂從民請復借一年旋以卓異引見不數年特擢蘇州督糧同知君度理明而料事當人之有吏才者未嘗不機幹勝之而欲求其平允精詳恆不能及故癸亥六月署太倉州事十月又署松江府事雖年當耄及而精神充固莫不游刃有餘會丙寅淮揚水患復委桃源東台諸處查災觸熱往來坐舡艫中三十餘日暑熱蒸鬱殆不可支力疾還蘇竟以勞死時年七十有二也君夙有至性嘗父病自塾夜歸適與虎值虎反吼而奔若有神捍之者家無恆產惟置薄田數十畝以春秋祭祀教子弟以敬以誠自顏其居曰我知堂以明慎獨之學云初娶於趙繼娶於何皆封孺人子四人長繼且次繼曙早卒次繼曉捐職州同以堵禦教匪死難予祀昭忠祠繼昂國學生女一適主簿張問萊銘曰潔於身勤於民是爲循吏能以清白遺之子孫

將仕佐郎辰州照磨何琢亭先生墓誌銘

何通衢

南江之境有小圓山焉支隴中峙盤鬱夷衍江河外抱轉折環流羣秀森拱風

氣攸聚有封若釜上不洩歿下不涸泉如馬鬣者琢亭何先生之墓也先生韓璉字汝器籍於巴之下邑曰南江少負奇特攻舉業志弗遂以例入成均掄選銓曹授楚辰州照磨先生性豪邁不能依阿取容既乃歸而就閑與二三知己吟風弄月優游林下其處家治事卓有規度因心之孝見稱宗族而悅親之誠未嘗稍衰友于之愛著聞鄉黨而鞠子之哀未嘗稍失燕翼貽謀及於子孫而世澤之傳未嘗稍息故一時之聞且見者無弗愛而敬焉亦足以觀先生之概矣先生父曰通困志於儒隱德弗耀娶馬氏生四子先生其次也配袁氏幽貞內則閭範蕭如生子曰如可性敏學博應貢賓廷銓注仕籍孫洛以例入監觀國之光汴亦勤學待用一女適蕭氏之子曰漢卿嗚呼先生之嗣穆穆皇皇他日民社是寄以華邦國是皆先生義方之教所致也先生可謂不死矣先生生於正德之庚午卒於萬曆之乙亥年六十有六卜葬小圓山以窆以窆首邱也不封不植遺命也生順沒寧備道全美先生之後如此可謂善體其心矣走狀

不封不植遺命也生順沒寧備道全美先生之後如此可謂善體其心矣走狀

懇銘於予予與先生同宗且有莫逆好按狀而嘆曰先生揭德振華而藩籬是固厥修醕矣攄幽發粹而鑄錯是試厥用利矣創業垂統而光裕是貽厥施溥矣獨不能久於其世者豈先生之所能者人而不能者天耶嗚呼天也人乎何尤銘曰猗歟琢亨有道之士磊落高風直方正氣士重其才人待其器當官有聲居家有義天作之合以德相濟佑啓後人祥開百世

傅春洲孝廉墓誌銘

舒雲達

光緒二十有一年十月傅孝廉春洲先生卜安窀窆於長池壩先塋之次冢子森章率其兩弟來請銘將壽諸石以貞悠遠蓋事死如生而不忍於忘其親者禮也雲達學識荒陋無足以發攄盛美其於先生敢以銘旣辭弗獲迺卽森章昆弟所稱者爲次厥略斯亦情之難終恕者也先生諱文藻南江孝廉其先江西人考贈文林郎笏齋公孫大令菊人爲銘其墓者也母氏楊生母氏唐昆弟凡二先生長也方少聰警如成人人事其親至篤及長善承順兩母之前而楊孺

人特深愛之相倚如所生也者于弟文洛凡事尤推讓之有古田荆姜被風以故自少迄壯粹然以孝友聞閭邨年二十一入邑庠己卯登賢書凡三上公車皆見抑歸則閉帷戢影罕與外緣居邇城市未嘗干有司之廷而遇事直言不爲姘嬰曲徇作握齷小丈夫態與人交有所規益論事之得失言之必中肯綮而久之輒驗卽居恆譚議一一妙語解頤則往往傾其曹其警敏類此光緒三年丁丑歲大飢邑民流離哀鴻遍野川督丁公飭員履勘先生爲籌賑之策以進當事者上之因得移輸川東倉穀七千石以濟至是而邑之民困始蘇瘡痍大起而卒莫知策之自先生發也而先生亦無言也自少習書工楷法己丑應中書試始入選已復見遺越六年甲午慶科再赴禮闈卒不第是年五月以疾歿於京師寓館其嫡堂弟孝廉文莊者爲扶襯以歸距生於道光戊申年二月十一日年僅四十有七嗚呼惜矣配易氏先數年卒子三女二長森章次怡章愉章皆英爽克以自立意先生平生之志之所未竟將於諸子焉是望所謂不

於身於其子孫者天必終有以默佑其後者乎銘曰其生也才其死也可哀其才之不竟無如何者命其銘也永以貞其終綿延而熾以昌者其家聲乎吁

胡母劉太孺人墓誌銘

岳 森

太孺人姓劉南江崇清鄉人太學生胡公榮生之元室候銓布理問玉涵之孀母也生自華胄幼嫻女誡淑問嗜嗜鼓鐘三黨年及笄歸胡公伉儷絕佳而碩人滋恨早撫猶子光碧以承宗祀猶嫌一脈之胤未卽厥真復力惠納李孺人乃得生玉涵及季子光禹焉玉涵方襁褓孺人卽取而育之保抱攜持恩逾已出稍長授書菽丸弗倦延聘名宿並課三子旣而光碧齒益長胡公以家務殷繁命之佐理光禹業儒未成改習弓馬別入閩中武庠於是玉涵專以學修自奮顯揚爲期負笈從師不憚遠涉童試屢冠其曹前太守何公湘雪李公春如皆激賞之胡公起家居室節儉爲主每於玉涵外出所給資斧足用而已孺人輒以私積附益數倍曰鄙吝者決非大器不欲以區區者短吾兒志也玉涵旣

賦悼亡續娶吾妹湘晦女史妹體孱弱唯知文事夫家程範多難循就君舅威嚴妯娌詳覈晨夕進退以慚以懼孺人愛其才質重其名閤待以殊科彌縫調護上下以安胡公才力過人堂構日闢累增產業鉅萬皆孺人內助之賢有以而成之子姓既多賓友復盛益以僕雇恆逾百口爨火長騰大庖填咽孺人支持有法因應咸宜周於體察曲當人意每食臚歡家聲允賴造福方長錫嘏有極粵以光緒壬辰年八月戊戌告終正室享壽六十有八歲卜兆祖塋厝於右穴留左以待胡公之合葬禮也玉涵湘妹並乞誌墓爰卽所述而誌之別系以銘曰金枝摧秀彤管揚芬釐爾女士來配公孫相夫駿發翼子鴻軒相翼如何慧心慈度游子罔艱學人是富義盡采藥才憐詠絮無日怱悅實助藁砧無日果贏實行壬林景茲玉步穆如清風江漢之間夙多淑女豈唯梁妻亦曰陶母式紀徽燾以光化始

博士京兆杜公墓誌銘

博士京兆杜公墓誌銘

正德
二年
闕名

粵自乾坤既判人任其間三才之道以孝爲先有子曰其爲人也孝弟孟子曰堯舜之道孝弟而已誠以孝者百行之原能孝者必弟孝弟無虧自可著異於世况言坊行表之更卓卓者乎保甯屬之巴江恩賜博士杜公暹者京兆人也祖遷於泉津世業農桑父曰剛母氏胡有子五人暹行第三娶劉氏孝行上聞得賜博士而父剛並授恩官由暹生平作事可證盟心故也博士善著作纂修之富盈篋皆有條理可觀長昆哲舉孝廉胡氏次曰安岳氏四曰亨岳氏五曰良岳氏胡氏皆以博士故三世同居不分爨火怡怡一室毫無間言鄉閭姻親以爲矜式暹既卒乃卜良山之脈結成風吹羅帶形穴者爲窀穸扞丑未向山環水繞四獸均平以正德二年丁卯之歲二月十四日丑時收金歸庫安葬爲文刻石以記銘曰來龍有勢四獸均平風吹羅帶結此天心爲公吉穴以表孝純視此墓誌後代其興

陳燮元先生墓表

董策宸

聞之太上立德其次立言果名教之無慚卽聲稱而不朽誠以身非金石豈壽考之能長心有春秋自褒貶之各當無如西豪貴胄每喜炎趨南路華卿競相塗附或則鋪張官闕或則揚厲高門敷華振藻爭誇言論之魁雄散綵搖珠備極文章之光麗究之求名稱於沒世發潛德之幽光盱衡古今殊缺有間如我茂才異等之陳君燮元先生可以載筆矣君字敬軒亦號晉初昆季有五君其季也八龍五桂名高四姓之中七穆三明學在一門之內其伯兄玉元先生爲巴江名宿君與之齊名荆山剖玉價並連城合浦生珠光俱不夜故迄今讀士龍之製作爭問士衡傳孝穆之科名羣思孝克君生有殊姿夙懷慧業誠風丁於三歲辯柄曲之四聲纏綿至性庭集慈烏惻愴人倫園生孝筍讀君陳之篇友于兄弟誦周南之什宜其子孫尊爲士表述白沙之遺風肅若朝儀繼太邱之家法由是博極圖書兼綜象緯沉酣鉛槧朱君則不愧五經學解豨苓李子更嘗遍百藥歲在壬午君甫弱冠見擢於學使朱公旋以高才生調省龍門見

夏嘗通百藥歲在壬午君甫弱冠長擢於學使朱公放以高才生調省龍門見

賞宜乘翠水而飛魚尾能燒直附青雲而上乃文章憎命陸續丁憂皋魚奉諱
泣不成聲和嶠居憂毀將滅性心摧窆石竟辭勺水之霑力瘁敢宮長斷房幃
之入從此荆培田氏穆成連理之枝被共姜肱縱就同功之繭服闋後應戊子
鄉試房薦不中七戰皆北強台未上徼努空張人老桐炊事悲蕉夢君則掃門
不恤懷刺自羞綠帙連雲牙籤曜日劉生秋南陽博士雅志通經黃文疆江夏
儒宗勤思積學年經月緯沉湎在蟲魚細碎之間削竹披蒲整齊於亥豕淆訛
之際且夫寔後跋前者過也繼往開來者學也君則拙門塞峻亦寵以聲華委
巷經師來乞其譚論班荆贈紵雪門駢問字之人倒屣傾箱馬帳溢橫經之客
遊其門者德言政學各擅所長射御書數兼通其學園橋門者數百人登瀛洲
者十八士前清庚戌學重維新君奉委查學一週遂不屑而峻辭之俄而桑田
忽變海水羣飛驚心風鶴滿地干戈走卒矜節鉞之雄孺子膺封疆之任且有
宗臣之貴拜爵新朝革命之勳借材先代降表可以世家禪詞由於元老昔者

梅村晚悔於失身芝麓視受夫僞職仿孟津之里第相國何年弔拂水之山莊
尙書再仕古今有同慨也君則捲懷清室黯然神傷鵲啼洛陽之陌望帝銷魂
龍化鼎湖之烟孤臣下淚恥作新時之黨派寧爲前代之遺民義義甲子私紀
載於淵明吳市風烟甘隱淪於梅福人謂先生爲文陣之雄師我服先生爲史
冊之高士也而且醫卜星象靡不淹通宗族里閭稱情推予邵康節理數兼優
司馬公宗祊特重知命故能樂天尊祖所以收族劉寬雅量何妨侍妾污衣杜
老高情亦任鄰家撲棗斯其卓卓大者可以筆之於書矣方喜藥欄曲折半齋
何妥之楊苔坂鬢髮滿徑陶潛之菊棕屨桐帽摩挲於杖履琴書經卷藥爐享
受乎期頤耄耋乃竟以民國三年甲寅八月辭世春秋六十有四惜哉傷孔氏
之山頽思羊公而淚墮桑柘停於鄰里蓼莪廢於門人白馬來賓盡是西京之
侶生芻致奠多屬南州之英在受其業者傳遺書之千卷服心喪於三年家家
團扇齊畫放翁處處買絲來繡島佛其生可謂榮矣其死可謂哀矣元配李孺

團扇齊畫放翁處處買新牙
蘇長何才
言
三


人於清己酉年卒繼室吳安人生一子讀書明理孫五人英姿邁衆夫所配在德則相繼彌光同膺福履之綏而鹿車在念各勤婦功之執而蠶月彌劬詢美展如之人無慚任只之德固宜兒扶藤杖無愧班香宋豔之才孫昇藍輿都爲竹馬羊車之秀今者道履歸休文旌息壤文衰已起薪盡思傳及門諸子皆有築室之忱後啓英多共懷樹模之想學製錦以乞言謹拜首而紀略揄揚莫罄敢搖筆而成郭泰之碑溯洄靡從爰掇文而製展禽之謚

南江縣志第四編

志餘事紀

大嶧生咸鳥咸鳥生乘釐乘釐生後照後照是始爲巴人

巴蠻有五姓未有君長俱事鬼神乃共擲劍於石穴約能中者舉以爲君巴氏子務相乃中之又令乘土舟約浮者當以爲君唯務相獨浮因共立之是爲廩君乃乘土舟從夷水下至鹽陽鹽水有神女謂廩君曰此地廣大魚鹽所出願留共居廩君不許鹽神暮輒來宿且化蟲羣飛蔽日天地晦冥積十餘日廩君因伺便射殺之天乃開明廩君乘土舟下及夷城石岸嶮曲其水亦曲廩君望之而嘆山崖爲崩廩君登之上有平石方二丈五尺因立城其旁而居之四姓臣之死精魂化而爲白虎故巴氏以虎飲人血遂以人祀武王伐紂實得巴蜀之師著手尙書巴師勇銳歌舞以凌殷人倒戈故世稱之曰武王伐紂前歌後舞也武王既克殷封其宗姬姓於巴爵之以子



南江縣志第四編

蜀王別封弟葭萌於漢中號苴侯命其邑曰葭萌苴侯與巴王爲好巴與蜀仇

故蜀王怒苴侯苴侯奔巴求救于秦以上華陽國志

張魯據漢中與劉璋爲敵璋以龐羲爲巴郡太守屯閬中以禦魯羲輒召漢昌

賓民爲兵

劉璋破殺趙韙龐羲懼遣吏程祁宣旨於其父漢昌令畿索賓兵畿曰郡合部
曲本不爲亂縱有讒諛要在盡誠若遂懷異志不敢聞命羲更使祁說之畿
曰我受牧恩當爲盡節汝爲郡吏自宜效力不義之事有死不爲羲怒使人
謂畿曰不從太守禍將及家畿曰樂羊食子非無父子之恩大義然也今雖
羹祁以賜畿畿啜之矣羲乃厚謝於璋璋擢畿爲江陽太守以上三國志

張魯聞曹操已陷陽平欲降闔閭曰今以迫往功必輕不如依杜濩赴樸胡與
相拒然後委質功必多乃犇南山入巴中

胡三省註今興元府古漢中之地也興元之南有大行路通於巴州其路
險峻三日而達於山頂其絕高處謂之孤雲兩角去天一握孤雲兩角二

古三行... 險峻三日而達於山頂其絕高處謂之孤雲... 三

山名也今巴州漢巴郡宕渠縣之北界也三巴之地此居其中謂之中巴巴之北境有米倉山下視興元實孔道也

建安二十年九月巴賈夷帥樸胡杜濩任約各舉其衆附曹操於是分巴郡以胡爲巴東太守濩爲巴西太守約爲巴郡太守皆封列侯

張魯之走巴中也黃權言於劉備曰若失漢中則三巴不振此爲割蜀之股臂也備乃以權爲護軍率諸將迎魯魯已降權遂擊樸胡杜濩任約破之

曹操使張郃督諸軍徇三巴欲徙其民於漢中進軍宕渠劉備使巴西太守張飛與郃相拒五十餘日飛襲擊郃大破之郃走還南鄭

法正說劉備曰曹操一舉而降張魯定漢中不因此勢以圖巴蜀而留夏侯淵張郃屯守身遽北還此非其智不逮而力不足也必將內有憂偪耳今策淵郃才略不勝國之將帥舉衆往討必可克之克之之日廣農積穀觀釁伺隙上可以傾覆寇敵尊獎王室中可以蠶食雍涼廣拓境土下可以固守要害爲持久之計此蓋天以與我時不可失也備善其策乃率諸將進兵漢中

諸葛亮伐魏以糧盡退軍司馬懿遣張郃追之郃進至木門與亮戰蜀人乘高

布伏弓弩亂發飛矢中郃右鄰而卒以上資治通鑑

偽蜀將王暉任集州刺史城中無水泉值岐兵攻城且絕其水路城內焦渴王公乃中夜祈請神祇及寐夢一老人告曰州獄之下當有靈泉出王驚寤遲明亟命操鍤於所止之處掘之乃有泉流居人蒙活甚衆岐兵以城中無水將坐俟其斃王公命汲泉水於城上揚而示之其寇乃去是日神泉亦竭玉

溪編事

宋開熙二年以程松為四川宣撫使吳曦副之曦反松亟趨米倉山由閬州順流而遁曦稱蜀王遣祿禛等泛舟下嘉陵江戍萬州下黃榜於利州等路召

轉運使安丙為長史後曦為丙所襲伏誅續綱目

保甯賊藍廷瑞自稱順天王鄒本恕自稱刮地王其黨廖惠稱掃地王衆十萬餘置四十八總管延蔓秦楚間轉寇巴川巡撫林俊猝遇之華壘單輿抵其

營警曉利害賊約降淫雨失期復叛去廷瑞謀據保甯本恕謀據漢中取鄖陽由荆襄東下巡撫林俊方議遏通江而惠已至攻陷其城殺參議黃瓚僉事錢朝鳳等遁去適官軍自他郡還賊疑援兵至亦遁俊擊敗之龍灘河擒斬八百餘人復遣知府張敏何珊等追敗之門鎮子獲惠餘衆奔陝西廷瑞本恕合兵過漢中三十六盤至大巴山官軍追及大破之

右都御史彭澤總督川陝諸軍討賊偕總兵官時源數敗之部將閻勳追擒廖麻子於劍州餘衆推其黨喻思倖爲主總兵官陳珣追至富村賊僞降因北渡江襲殺指揮姚震轉入巴山夜走廣元爲官軍所遏還趨通巴間勢復振澤督諸軍圍之卒就擒詔留澤鎮撫保甯以上明史

清乾隆六十年冬白蓮教匪首劉之協令其黨於湖北河南陝西四川等州縣往來煽惑傳教作亂

嘉慶元年九月四川達縣奸民徐天德與王登廷等作亂於亭子東郎干

民王三槐與張子聰等作亂於達州之豐城冉文儔辛聰等先後應之分竄
達州巴州南江通江諸縣

二年襄陽首逆齊王氏等由陝入川遂至東鄉與徐王等逆合於是定以青黃
藍白等號爲記又設掌櫃元帥先鋒總兵千總等位號四川則達州首逆徐
天德稱達州青號王登廷等附之東鄉首逆王三槐冷天祿稱東鄉白號張
子聰等附之太平首逆龍紹周稱太平黃號龔建等附之巴州首逆羅其清
稱巴州白號羅其書等附之通江首逆冉文儔稱通江藍號冉天元等附之
四年陝西竄回各賊滋擾通江南江總兵朱射斗大破之通江追擊至朱家壩
經略額勒登保奏朱分勦通南明年復調朱赴達州與總督魁倫會勦朱從
南江雷音鋪至達州尋戰死

四年五月白號賊張子聰糾合藍號冉天元等欲犯陝境經官軍扼截逼回南
江子聰尋竄通江

四年七月青號賊王登廷屯馬鞍寨參贊額勒登保擊敗之奪其寨窮追至大竹東鄉等縣九月王登廷與冉天元苟文明合股抗拒時額公已任經略勦之於巴州何家垵追賊入蒼溪賊冒死衝突官軍頗有傷亡王登廷尋爲南江鄉勇盤獲事聞諭曰額勒登保此次盤獲王登廷與所奏蒼溪一帶官兵挫折之事相隔止一日使他人處此必諱言失利將王登廷作爲陣獲以掩敗爲功今據實直陳不稍存諱飾而於南江鄉團盤獲王登廷一節並不攘爲己功真不愧經略之任

四年九月襄樊賊首冉正澂竄至廣元覬覦入陝經略額勒登保率總兵楊遇春殲阮正隆等於雲霧山

五年參贊德楞泰殲僞元帥賴長櫃僞總兵鮮中青於南江之馬掌鋪初賊匪竄擾通江巴州德楞泰帶兵追勦於五月二十八日抵南江之馬掌鋪殺賊一千二百餘名生擒八百餘名

六年白號賊辛斗等方擾甯羌經略額勒登保督軍西勦逼入川北九月總兵

楊芳等擒辛斗於南江之黑洞溝

七年正月經略額勒登保擒斬襄陽黃號賊首辛聰于南江縣之關門子

七年二月建昌道劉清率鄉勇生擒藍號冉天元之分股賊首李彬並襄陽黃

號辛聰之弟辛文於南江縣之鐵廠坪以上先正事略及府志

光緒十八年春有嘯匪二股一由川陝老林出走一由儀巴上竄合股於南廣

之交多至二百餘人結隊橫行揚兵露銃轉掠各鄉場牧令互諉縱容數月

之久五月將由廣元深入南江陳把總仲溶率汛卒迎捕猝相遇於木門市

佩鎗橫矛親禦賊於市橋賊云願借路過時匪首爲王舛舛周蠻刀大府指

索甚急陳因言必留王周二入方許過賊衆怒攢矛刺陳陳嫻武藝連格殺

數人又以洋鎗擊斃一人方酣戰間倏被一賊發擡銃擊傷頭顱而死後兵

至賊多伏誅癸甲襄校錄

教匪之亂常以川楚老林爲根據地其地毗連三省推諉牽掣以致勞師數年未克蕺功卓秉恬有川陝楚老林情形亟宜區處一疏時論譴之其略云爲敬陳川陝楚老林情形亟宜區處仰祈聖鑒事竊惟普天同化雖犬牙相錯之地原無畛域之分而無業貧民當烏合成羣之時每多嘯聚之患此則川陝楚之老林不可不早爲區畫而棚民不可不妥爲撫綏者也蓋由陝西之略陽鳳縣迤邐而東經寶雞郿縣盩厔洋縣寧陝孝義鎮安山陽洵陽至湖北之鄖西中間高山深谷千枝萬派統謂之南山老林由陝西之甯羌褒城迤邐而東經四川之南江通江巴州太平大甯開縣奉節巫山陝西之紫陽安康平利至湖北之竹山竹谿房縣興山保康中間高山深谷千巒萬壑統謂之巴山老林老林之中其地遼闊其所產鐵礦竹箭木耳石菌其所宜包穀蕎豆燕麥而山川險阻地土瘠瘠故徭糧極微客民給地主錢數千卽可租種數溝數嶺江廣黔楚川陝之無業者僑寓其中以數百萬計依親傍友

墾荒種地架數椽棲身歲薄不收則徙去斯謂之棚民其種地之外多資木廠鹽井鐵廠煤廠紙廠傭工爲生此皆仰賴聖天子育養黎庶而地不愛寶者也顧人聚既多則良莠莫辨不安本分者時有攘竊之心必年穀豐登糧價平賤各處傭工庶幾尙有生計倘遇旱澇之時糧價昂貴則傭作無資一二奸民倡之以喫大戶爲名而蟻附蜂起無所畏忌山內州縣大者週圍一二千里小亦常五六百里地方遼闊耳目難周遇事必數日聞報數日始至其處非糾結爲匪難以輕動卽剽竊遠颺莫可追捕故居恆互相隱諱浸假而成大案迨以疎防參劾事已無濟且省各有界賊或踰境而免官難越境而謀各處距會城遠者二三千里近者千數百里不請命則專請命則緩不及事况事連三省大吏客商往返州縣奉飭恆在數月後臣愚謂老林區畫之策不能卽一隅而專謀之必當合三省而共議之似須於扼要之地專設大員控制亦如福建之台灣廣東之雷瓊皆專設守道又如湖南之鳳凰

永綏等廳則以辰沅永靖道駐紮其地專理苗疆惟棚民之性情與苗疆不同而老林之險隘實要害所在查現在有苗地方既以上司土目撫綏于下又以府廳州縣統治于上而又設道員大吏鎮壓之至棚民於各縣山險之地或聚或散或徙或居若鳥獸之無羈縛者惟陝西之陝安道四川之川東北道湖北之安襄鄖荆道未嘗不分轄其地而任分則事難專一界分則官得推諉查鄖陽地方明季曾設撫治大員嗣經裁撤想彼時人煙稀少因時制宜而然今我國家休養生息垂二百年生齒日以繁荒蕪日以闢故凡有山廠可以營生之處似難禁其聚積若不妥爲措置必致日久生事此既非綏靖地方之策亦非字養生民之道况卽鄖陽一府而論幅幘之廣幾與安徽一省埒今僅設六縣以治之惟恐有鞭長莫及之慮鄖陽如此而川陝有老林之州縣亦可概見伏祈敕下三省督撫確勘情形詳核時勢應如何變通之處會同區畫妥善辦理庶老林皆樂土而棚民悉安業矣

南江縣志第四編

志餘雜錄

王仁裕爲漢中從事畜一猿名野賓呼之則聲聲應對然常齧人爲害仁裕叱之則弭伏不動後逸入主帥廚中掀樸污穢食器登屋擲瓦拆磚主帥使衆箭射之野賓左右避箭不能損既而招善弄胡孫者遣大胡孫擒之則流汗伏罪帥亦不甚詬怒衆皆笑之於頸上繫紅綃一縷題詩送之曰放爾叮嚀復故林舊來行處好追尋月明巫峽堪憐靜路隔巴山莫厭深棲宿免勞青嶂夢攀躋應愜碧雲心三秋果熟松梢健任抱高枝徹夜吟又令送入孤雲兩角山且使繫在山家旬日後方解而縱之不復再來矣後罷職入蜀行至江漢之墟有羣猿自峭壁中連臂而下飲于清流有巨猿捨衆下顧紅綃彷彿尙在從者指之曰此野賓也呼之聲聲相應立馬移時不覺惻然及縱轡之際哀呼數聲而去陟山轉壑尙聞嗚咽之聲遂繼之一篇曰嶠家祠邊漢

水濱羣猿連臂下嶙峋漸來仔細窺行客認得依稀是野賓月宿縱勞羈綬

夢松餐非復稻梁身數聲腸斷和雲叫識是前年舊主人 全唐詩話

岳石齋遭明末之亂詩多變徵所謂窮而後工 蜀雅

岳文江見賞於費此度詩意清拔詠武彝云出沒雲煙色陰森天地秋酬韓稚

溪云同時兄弟天涯少故國山川夢裏多皆有唐人味 錦里新編

余昔為禮部郎同官吳興沈郎中雲中令式南江岳員外石齋貞以事闕於堂

諸君解之不可得余後至笑曰僕魯仲連先生鄉人也欲吟一詩為二兄解

紛可乎因吟曰長鎗大戟日紛紛誰識毛錐亦策勛今日東陽逢瘦沈公然

來撼岳家軍皆一笑而罷 王漁洋分甘餘話

王經芳康熙十九年知南江縣時三藩倡亂蜀江新定其從漢中取徑南江短

述云樊林渡澗只啼鳥絕蹟村煙山徑迂每擬相如窺世業胡為阮籍泣窮

途人藏深谷煩招撫虎嘯巖巖問有無欲繪流離難着筆不勝感慨共長吁

宿九龍寺始見南江父老漫述云藍藍縷縷白頭翁稽首開言眼欲紅道是
聖恩簡令到因而躬叩出山中慰勞轉展方辭去指點分歧此路通只爲亂
離民未復于垣何日集飛鴻九月朔初度述懷云揆辰九月逢初朔民瘼經
心心更憂不意荒殘竟若此生來抱負竟何酬行囊儘可需晨夕征餉何嫌
自點籌起視閭閻咸色喜一時頌禱徧山邱當時荒殘流離之狀如見

孫菊人詩才清絕官南江時吟咏甚多寄衣曲春閨詞踏青詞尤膾炙人口寄
衣曲云別君幾何日北風忽已涼繡幕寒如此况乃在沙場沙場渺何許妾
夢時飛翔憐君衣短褐何以禦雪霜檢妾舊綾羅開妾縷金箱取妾金錯刀
裁衣遠寄將宵深指欲墮殘燭凍無光裁衣不知苦寄衣心轉傷妾命不如
衣猶得到君旁願將賤妾身化作絲千行粗絲織君服細絲織君裳行得着
君體臥得伴君牀寒暖苦隨君生死伴遼陽勝作別離人裁衣泣空房春閨
詞云去歲得郎書言歸期已誤東風昨夜來吹綠庭前樹樹上花又開花是

郎手栽花枝猶有信如何郎不來望郎夢顛倒離愁殺未了妬殺黃鶯兒驚
回妾夢早夢醒上高樓樓上數歸舟可憐楊柳樹一一挂離愁愁多空懊惱
衷情向誰道不愁郎歸遲但愁顏色老顏色豔於花郎今不在家仰見雙飛
燕低頭空嘆嗟嘆嗟亦良久捲簾獨垂手不識天涯人還知憶妾否踏青詞
云東風綠遍垂楊樹桃李香堆陌上路美人顏色豔於花蝴蝶相隨出城去
踏青但折合歡花踏青莫拾相思草折得合歡不解愁拾得相思容易老

孫菊人又有雨中山行云山脚雨濛濛山頭雲滿空須臾雲散亂不辨嶺西東
咫尺人相失紆迴路又通下方應指點客在畫圖中山家云亂山層疊樹橫
斜時見茅簷三兩家雞犬守門人不見四隣開遍米囊花

詠南江古柏以孫菊人之作爲工茲復得七古一首不知何人所作寒烟散空
香霏屑千樹萬樹江頭列繁枝芽葉青簇天夏不畏日冬無雪頭角摧裂蹲
罷熊枝幹偃蹇森鐵銅聯肩踏背紛攬拳羣精嘯聚來怪風初疑卷展昌黎

讀光怪陸離驚心目又疑畫敞寒林圖枯淡瘦勁醫塵俗變態過眼無定形
但覺衣袂皆流馨我欲醉倒夢茯苓惜此樹下無茅亭憶昨騎驢劍門路古
柏亭亭香滿樹又曾鼓楫過夔門樹已摧折名猶存一經品題聲價好一緣
得地能自保惜哉此樹影婆娑無人護持等荒草翦伐輕棄棟梁姿物色不
到材空老可憐憔悴向江潭恨不移根托蓬島

熊雲陸性情豪邁晚年尤喜吟哦有雲林詩稿孫菊人常嘉賞之其遣懷云在
苒年華類擲梭老來身事更如何每逢良夜月偏少但是佳期雨便多清興
不因名利減壯懷那許病愁磨酒杯棋局難消悶且向雲林聽鳥歌送湘帆
姪赴汴云宦途自古各天涯南北東西卽是家處世當存毋不敬立身總要
思無邪須知臨水休爭渡但到登山好下車一語丁寧爲汝囑解鞍莫待夕
陽斜小園云昨夜小園帳未遮雨疏風急兩交加幽人一夜長相憶曉起憑
欄數落花春閨詞云深閨無奈豔陽天靜坐花陰漫理絃蝴蝶不知人意懶

雙雙飛舞繡裙邊。曉過天上。

地名在米倉關之南。舊爲秦蜀要道。

云鳴鞭凌峻嶺。越嶺下崔嵬。

馬自雲中出人從。天上來山昏疑有雨。泉瀉誤驚雷。漸漸曦光滿。林深不染

埃。冬過臺上。

地名在秦蜀交界處。

云爲趁遊蹤。冒雪天一峯。纔過一峯連。霧迷曲徑人

難辨。石結堅冰馬不前。萬丈危梯驚蜀道。幾株老樹鎖秦烟。崎嶇世路從來險。穩坐雕鞍漫策鞭。述懷云。欲把詩過日。蕭然鬢已皤。幼時知愛少。老大悔遲多。佞佛愁殊俗。希仙懼着魔。瑯環書可借。補讀在巖阿。

楊古雪女史詩。今不傳。祇有詠岳王墳一首云。天命不可移。一木焉能支宋室。

南渡日。二帝方北馳。鄂王秉大義。瀝血誓王師。精忠字涅背。智勇振華夷。大敵克朱仙。莫敢當義旗。指日兩京復。天下皆知之。無如奸相檜。苦將和議持。遂教三字獄。千載成冤詞。君子與小人。原無兩立時。如何忘國讎。偏安竟無疑。空自壞長城。宗社委如遺。一杯湖上墳。碧血萬古垂。墳前鐵鑄者。愧彼向

南枝通志

鄭姚華女史與岳明經小山伉儷甚篤時相唱和咸豐丁卯小山寄寓錦城女史先後寄詩二十首內有絕句三首云青衫憔悴錦城秋小草科名不自由室有琴書樽有酒仙郎何必羨瀛州茹素焚香百不思近來家况報君知月明一罷萱堂酌又督嬌兒夜誦詩梅花粧罷柳眉青錦里鶻唳試一聽收拾元龍湖海氣歸來靜坐講黃庭

明經又眷一姬於巴州恆數月不歸寄詩慰內女史和之云巖泉汲甕淪松蘿鍛羽鸞交苦况多修史莫遺韓貶眼憐香任倦顧橫波以上七星山人集

李令問開元中爲祕書監左遷集州長史令問好玩服飲饌以奢聞于天下其炙驢罌鵝之屬慘毒取味天下言服饌者莫不祖李監以爲美談令問至集州染疾漸篤刺史以其名士兼是同宗恆令夜開城門便令問家人出入刺史之子嘗夜與奴出遊至城門遙見甲仗數百人隨一火車當街而行驚曰

不聞有火可尋比畫意欲馳一火且復伺其所之尋至城濠火車從水上過

曾不潰滅方知是鬼走投其門門已閉不得歸遂奔令問門中處之既入火車亦至令問中門外其子雖恐懼仍竊窺之間堂中十餘人誦經甲仗等遲迴良久有一朱衣鬼徑入踢門聲如霆震經聲未絕火車移上堂階遙見堂中燈火清淨尙有十餘人侍疾朱衣鬼又扶窗櫺其聲如前令問左右者皆走散鬼自門持令問出遂擲於火車中羣鬼擁之而去其子還舍述其事刺史明日令人問疾令問家中餘口無敢起使者叫呼方出云昨夜被驚至今戰懼未已令問尸爲鬼所擲在堂西北隅重床之下家人乃集而哭焉靈怪

錄

憲宗遷葬於景陵都城人士畢集時有前集州司馬裴通遠家在崇賢里妻女輩亦以車輿縱觀於通化門及歸日勢已晚車馳馬驟至平康北街後乃有白頭嫗徒步奔走隨車而來氣力殆盡至天門街夜鼓將動車馬轉速嫗亦忙遽而行車中有老青衣從四小女其中或有哀其奔迫者則問其所居對

曰崇賢卽謂曰與嫗同里今亦將歸若步履不逮懼犯禁車中尙可通融能登車至里門否其嫗乃荷愧丁寧因命同載及至則珍重辭謝而去乃於車中遺下小紅錦囊諸女笑而共開之中有白羅製爲逝者覆面之物四焉諸女驚駭登棄於路自是不旬日四女相次而卒

集異記

京兆人劉子貢五月二十二日因疾熱卒明日乃蘇自言被錄至冥司同逮者十九人官召二人出木括其頭加釘鑠焉命繫之曰此二人罪重留餘者且釋去又引子貢問曰此爲何處人曰皆地獄也緣同光王生故休罪人七日此中受罪者暫停若遇其鼓作罪人受苦可驚駭耳日子貢娶於難江縣令蘇元宗見元宗於途中問之曰丈人在生好善何得在此元宗曰吾前生有過故留然事已辦今將生留不久矣又問二子先死者何在曰長者愿而信死便生少兒賊而殺見在地獄又遇鄰人季曄曄曰君爲傳語吾在生前坐罪大被拘留爲吾造觀世音菩薩像一寫妙法蓮華經一部則生天矣又遇

其父慎慎曰吾以同光王生故得假在外不然每日受罪苦不可言坐吞彈殺鳥獸故每日被牛頭獄卒燒鐵數千其色如火破吾身皮數百道納熱彈其中痛苦不可忍又見身存者多爲鬼子貢以二十三日生生七日至二十九日又殂遂不活矣記聞

宋太平興國三年閩集諸州虎爲害遣張延鈞捕之獲百獸俄而七盤縣虎傷人延鈞又殺虎七以獻宋史

秦民有王行言以商賈爲業常販鹽鬻於巴渠之境路由興元之南曰大巴路曰小巴路危峯峻壑猿徑鳥道路眠野宿杜絕人煙鷲獸成羣食啖行旅行言結十餘輩少壯同行持一拄杖長丈餘銛鋼鐵以刃之卽其短鎗也纔登細徑爲猛虎逐之及露宿於道左虎忽自人衆中攫行言而去同行持刃杖而救之呼喊連山於數十步外奪下身上拏攫之蹤已有傷損平旦前行虎又逐至其野宿衆持鎗圍使行言處於當心至深夜虎又躍入衆中攫行

言而去衆人又逐而奪下則傷愈多行旅復衛而前進白晝逐人略不暫捨或跳於前或躍於後時自於道左而出於稠人叢中捉行言而去竟救不獲終不傷其同侶須得此人充其腹不知是何冤報逃之不獲玉堂閒話

李虎仙者往來難江通江二縣縣人修五馬橋工匠數十虎仙於皮袋中出小釜可容三升以米麵食物納其中炊之以餉人人皆飽名勝志 五馬橋在

今西門外

獻賊亂後遺民奔竄山谷久之遂爲野人南江有二野人能手格猛虎恆擘獐鹿啖之懸崖絕壁騰上如鳥隼雖其家人親戚招之疾走不顧也居易錄

跋

蒞南江者去治三百里卽入其境山路崎嶇一徑遙通疑於目疑於心矣至邑復無縣志可攷幾不能釋然久之接見紳士未甚遠於他縣乃知古統一輿圖建都立邑不廢偏隅僻壤也南江自後漢迄今二千餘年矣改置不一朝統屬不一郡而或州或縣莫能盡廢殆山川勝概周遭數百里不同壤地偏隅之可比也惟北接襄中南通楚省一經兵燹蕩析者離居招來者雲集文獻無徵職是故耳余蒞南江九載於四川通志保甯屬志閱其全書南江不過僅識其大端未得悉其山川土地之寥廓命名方隅之源流茲辛胡堂臺以學識淵博考究詳明採輯搜羅彙纂成帙成一縣之志閱其全編周知一邑之總匯無復遺漏今而後蒞斯土者不疑於目不疑於心行見偏隅僻壤不遜於名都大邑也謹跋數言於篇末以見佩服之私忱焉 道光七年五月下浣日南江縣教諭彭鼎跋

跋

邑侯董公長安蒞任期年數政之暇留心文物慨南邑舊志簡陋思重爲修纂乃假勸學所爲籌備處廣延名宿於時家仲威筱筌及何龍光諸先生應聘而至凡兩閱月告成其體例內容覽者當自得之無庸贅詞惟竊見他縣纂修邑乘恆開館數年糜費數千而或成或不成卽成矣又或不當人意仍束高閣其難也若此今費不百金月僅再圓竟裒然成帙使讀者快意何其速而易耶蓋家小山林宗先生經學詞章見推全蜀家紹卿何鹿泉先生均邑中泰斗三先生幼承家學室多藏書文獻有徵纂述斯易又學校及各法團之彥類多吾邑明達熟悉風土遇應徵求諮詢卽得以此兩因故無待分道採訪綿歷歲時而事半功倍焉噫今之名都大邑載筆猶恨闕如集州偏隅諸公獨能爲山水增重也如此豈非志在斯世者歟又慨夫改革以來川亂極矣邑宰從事剝吸以供軍糈日不暇給遑及其他董公乃於斯時續成一縣之志以藻飾太平是非

良有司之難能者歟然則縣志之能成於斯時與成之速且易皆不可不識也
書成董公復以鏤板屬陽旋因費多而不精改於成都付鉛督其事者爲李仲
銘暨何雁秋先生並及之不沒其勞焉
中華民國十一年壬戌七月既望南

江縣視學岳 陽謹跋



14
14